

中國方志叢書·華北地方·第四三七號


據

潘鑑、宋之樹纂輯  
清雍正七年刊本

影印

山西省

# 猗氏縣志



成文出版社有限公司印行



\*10094310\*

中華民國六十五年 月壹一版

# 猗氏縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

猗氏縣志卷之五

同知平陽府事濟寧潘一鋌纂輯

知猗氏縣事文登宋之樹重輯

人物

唐虞夏商之後有與元愷比隆者其惟周之八士乎猗  
邑當堯舜之時密邇畿甸時雍風動自多聰明睿知之  
才而惜乎其不可攷也惟八士伯仲一碣崩潰於巉岿  
暴漲中亦天開之瑞矣繼此而名賢蔚起相業有人忠  
諫有人經術有人吏治有人出而舟楫鹽梅入而箕山  
頴水雲龍風虎指不勝屈豈非扶輿磅礴所積而發之

者哉雖運會之隆亦邦家之光矣

周

伯達 伯适 仲突 仲忽 叔夜 叔夏 季隨

季駟 史失其姓蓋四乳而生八子魯論稱周有八士記  
人材之盛也故里在縣北十里南景村有墓在焉

明隆慶初水澱崩露石刻籀篆僅  
辨八士數字土人呼為八侍郎墳

考魯論武王亂臣十人註有南宮适又汲冢周書克  
殷解乃命南宮忽振鹿臺之財巨橋之粟乃命南宮

伯達史佚遷九鼎三巫按三人名既與魯論八士名  
同又皆南宮氏則八士乃武王時人而南宮其姓也

世傳逸周書出於晉世然司馬遷史記所載克殷  
一段與汲冢書大同則是漢以前故有其書也

晉

王

蔚 世修儒史之學魏中頗軍曹義尔至公論蔚善  
之而著至機論辭義甚美官至夏陽侯相祀鄉

賢祠

王

接

字祖游幼喪父哀毀過禮同即馮收薦之於河

而無兄弟母老疾篤故無心為吏及母終柴毀骨立

太守薦之於司隸枝尉王堪出補都官從事永寧初

舉秀才友人榮陽潘滔遺接書曰贊虞卞元仁竝謂

足下應和鼎味可無以應秀才行接報書曰今世道

交喪將遂剝亂而識智之士鉗口韜筆禍敗日深如

火之燎原其可救乎非榮斯行欲極陳所見冀有覺

悟耳是歲惠帝復阡以園有大慶秀才皆不試接除

中郎補征虜將軍司馬蕩陰之役侍中嵇紹為亂兵

所害接議曰蕩陰之役百官奔北唯嵇紹守職以禦

不道可謂臣矣又可稱痛矣今山東方欲大舉宜明

高節以號令天下依春秋褒三累之義加紹致命之

賞則遐邇向風莫敢不肅矣朝廷從之及東海王越

率諸侯討顯尚書令王堪統行臺上請接補尚書殿

中郎未至而卒年三十九接嘗更注公羊春秋論衛

恒王庭堅考正汲冢書詳其得失又撰列女後傳雜

行八系

卷二

論議詩賦碑頌駁難十餘  
萬言祀鄉賢祠子愆期

### 王愆期

後傳官督護蘓峻之父本意更注公羊又集列女

同赴國難侃雖許而未發愆期因謂侃曰峻豺狼也  
如得遂志公寧有容足之地乎侃深感悟即戎服登  
舟晝夜而進後愆期為右司馬侃  
卒遺表以後事付焉祀鄉賢祠

### 元魏

### 樊遜

字孝謙祖琰父衡竝無官宦而遜少好學兄仲

安逸可不愧於心乎欲同勤事業母曰汝欲謹小行  
和遜感母言遂專心典籍恒書壁作見賢思齊四字  
以自勵屬本州淪陷寓居鄴中渠監擢為主簿薦之  
於右僕射崔暹為賓客人有譏其靜默不能趨時者  
遜常服東方朔之言陸沉世俗遂借陸沉公于為主  
人擬客難制客誨以自廣後遜徙居陳留梁州重舉  
遜為秀才尚書掾第以遜為當時第一清河王岳率  
衆南討以遜從軍假遜大行臺郎中使於江南與蕭

後周

修侯瑛和解遜往還五日得報書修盟於江上詔令  
校定羣書遜議請牒借本叅校始無遺闕揚愔嘗使  
孝謙代已作書以告晉陽朝士令魏水潤色之收不  
能改一字楊愔言於衆曰後生清俊莫過盧思道文  
章成就莫過樊孝謙几案斷割莫過崔成之遂以三  
人竝員外將軍孝謙辭曰門族寒陋訪第必不成乞  
補員外司馬督愔曰才高不  
依常例特奏用之祀鄉賢祠

樊

深

字文深事繼母甚謹魏永安中隨軍征討以功  
累遷中散大夫孝武西遷深父保周叔父歡周

並被東魏害深因避難墜崖傷足絕食再宿後得一  
簞餅欲食之念繼母老痺夜中匍匐覓母得見因以  
饋母遁易姓名遊學於汾晉間習天文及筭歷之術  
後周文平河東贈保周南郢州刺史歡周儀同三司  
深歸樊其父負土成墳尋而于謹引為府叅軍事周  
文置學東館教諸將子弟以深為博七深性好學老而  
不怠朝暮還往常據鞍讀書至馬驚墮地損折肢體  
終亦不改遷縣伯中大加開府儀同三司尋乞骸

骨詔許之朝廷有疑義常召問焉撰孝經喪服問疑各一卷又撰七經異同三卷祀鄉賢祠

樂

遜字遵賢幼有成人之操從徐遵明受孝經喪服論語詩書禮易左氏春秋大義周文召遜教授

諸子閑帝踐阼以遜有理務材除秋官府之士轉小師氏下大夫自譙王儉以下竝束修弟子之禮武

成元年中六月以霖雨經時遜陳時宜十四條切於政要保定中以訓道有方遷遂伯中大夫詔魯公斌舉

公賢等同受業焉遜以年在懸車上表致仕優詔不許授湖州刺史封安邑縣子人多蠻左未習儒風遜勸

勵生徒加以課試數年之間化洽州境秩滿拜皇太子諫議進爵崇業郡公進位開府儀同大將軍以老

病固辭詔許之仍賜安車衣服遜性柔謹寡交遊立身以忠信為本不自矜尚每在衆言論未嘗為人

先學者以此稱之所著孝經論語毛氏左氏春秋序論十餘篇祀鄉賢祠

隋

陳

茂家世寒微質直恭謹為州里所敬文帝為隋國公引為僚佐每令典家事未嘗不稱旨後從帝



與齊師戰於晉州賊甚盛帝將挑戰茂固止不  
捉馬鞞帝忿之拔刀斫其額流血被面詞氣不  
感而謝之厚加禮敬及受禪拜給事黃門侍郎封魏  
城縣男每典機密在官十餘年轉益州總管司馬遷  
太府卿進爵  
為伯子政

陳政字宏道儻有文武大略善鍾律便弓馬年十  
七為太子千牛備身後授協律郎遷通事謁者

兵曹承務郎歸唐為梁州  
總管父子俱祀御賢祠

唐

杜如晦故里在縣南十里杜  
村堡事詳唐書列傳

張嘉禎字嘉禎本范陽舊姓高祖子叱仕隋終河東郡  
丞遂家蒲州為侍氏人以五經舉補平鄉尉坐

事免長安中御史張循憲使河東事有未决病之問  
史曰若頗知有佳客乎吏以嘉禎對循憲召見咨以  
事嘉禎條析理分莫不洗然循憲大驚試命草奏皆  
意所未及它日武后以為能循憲對皆嘉禎所為因

行系示

請以官讓后召見內殿拜監察御史累遷兵部員外  
郎時功狀盈几郎吏不能決嘉禎為詳處不越旬廷  
無稽牒進中書舍人歷梁秦二州都督并州長史政  
以嚴辦吏下畏之奏事京師明皇善其政數慰勞寔  
厥九姓新內屬雜處太原北嘉禎請置天兵軍緹護  
其衆即以爲天兵使明年入朝或告其反按無狀帝  
令坐告者嘉禎辭曰國之重兵利器皆在邊今告者  
一不當即罪之臣恐塞言路且爲未來之患遂得減  
苑天子以爲忠且許以相及宋璟等罷帝欲果用嘉  
其名即以爲中書侍即同中書門下平章事遷中書  
令居位二年善傳奏敏於裁遣數與張說不相能後  
拜工部尚書爲定州刺史知北平軍事封河東侯久  
之以疾丐還東都詔醫馳驛護視卒贈益州大都督  
謚曰恭肅其始爲中書舍人崔湜輕之後與議事正  
出其上湜驚曰此終其坐後十年而爲中書令嘉禎  
雖貴不立田園有勸之者答曰吾嘗相國矣未死豈  
有饑寒憂若以謹去雖富田產猶不能有也近世士  
大夫務廣田宅爲不肖子酒色費我無是也引萬年  
主簿韓朝宗爲御史卒後十餘歲朝宗以京兆尹見

帝曰陛下待宰相進退皆以禮身雖戮于左司察率

張嘉禎晚一息寶符獨未官帝惘然召拜左司察率

張延賞

雖蚤孤而博涉經史通吏治大里初除河南尹

簡約輕徭賦疏河渠築宮廟數年流庸歸附都闕完

延賞知留守以兵屬居五年治行第一召拜大夫不

滿所私出為淮南節度使歲旱民它遷吏禁之延賞

曰食者人恃以活拘此而斃不如適彼而生苟存吾

者更增於舊累拜荆南劍南西川節度使建中中西

山兵馬使張拙襲成都為亂酬不該備延賞謀知之

遣將叱干遂捕斬拙復成都自揚國忠討南蠻三蜀

疲罄及乘輿臨狩糜用百出後更郭英又崔寧楊子

琳亂益矜僭公私蕭然延賞事為之制薄入謹出府

庫遂實德宗在奉天貢獻踵道及次梁倚劍蜀為根

本即拜中書侍郎同中書門下平章事卒贈太保謚

曰成肅延賞更四鎮所至民頌其愛及當國早不幸

身... 卷之二

未及有所建明然帝待過厚稱其  
秦議有宰相體祀鄉賢祠子宏靖

張宏靖字元理雅厚信直以蔭為河南參軍裴延齡為  
德陽公主治第欲徙宏靖先廟上疏自言德宗

異之擢監察御史累遷戶部尚書侍即陝州觀察使徙河  
中節度使元和和中拜刑部尚書同中書門下平章事

吳少陽也其子元濟擅總留務憲宗欲誅之宏靖請  
先遣使者弔贈待不恭乃加兵詔可進中書侍郎封

高平縣侯武元衡遇害賊未得王承宗印廝卒張晏  
被告詔付御史臺劾驗有狀宏靖疑御史傅致晏罪

言之帝不聽遂誅晏并討承宗宏靖曰戎事並興鮮  
有濟不如悉力淮西已平乃治河朔議再迂乃歸政

以檢校吏部尚書同平章事為河東節度使未及鎮  
詔伐承宗宏靖自以諫不聽思自効乃大閱兵請身

討賊詔許出軍無親往既王師無功帝憶曩言下詔  
褒美宏靖亦遣使間道喻承宗款附召拜吏部

尚書徙節宣武承韓宏虐政代以寬簡民便安之後  
充盧龍節度使旬一決事每詒責武士曰天下無事

而輩挽兩石弓不如識一丁字軍中銜之范陽復亂  
詔取太子賓客稍遷太子少師卒贈太子太保宏靖

少有全聞杜鴻漸杜佑皆器許歷臺閣顯級人以爲  
有輔相才先第在東都思順里歷五世無所增葺時  
號三相張家云子文規次宗裴度秉政引文規爲右  
補闕累轉吏部員外郎出爲安州刺史終桂管觀察  
使子彦遠博學有文辭乾符中至大理卿次宗開成  
初爲起居舍人文宗始詔左右史立螭頭下記宰相  
奏對既退帝召見審正是非故開成時事爲最詳以  
稱職兼集賢院直學士文規左遷改國子博士史館  
修撰李德裕再當國引爲考功員外郎知制誥出遷  
明二州刺史卒孫茂樞字休府及進士第天祐中累  
遷祠部郎中知制誥坐柳

張嘉祐嘉元弟有幹畧方嘉元爲相時任右金吾衛將  
軍昆弟每上朝軒蓋騶蕩盈閭巷時號所居坊

曰鳴珂里其後子姓徙居杜鎮至今書  
香不絕二十五代孫飭球佩光奉祀

附張氏世系嘉元高祖子吒隋河東郡丞曾祖長度  
唐銀青光祿大夫祖俊興相國府檢校即將父思義  
成紀丞嘉元相元宗子延賞初各寶符相德宗孫宏  
靖初名調相憲宗懿主客員外郎曾孫文規觀察使

次宗集賢院直學士景初殿中侍御史嗣慶河南少尹師質柳州刺史元孫彥遠大理卿茂樞祠部郎中

王

維字摩詰九歲知屬辭與弟縉齊名開元初進士擢右拾遺歷監察御史安祿山反維為賊得以

藥下利陽瘖祿山大宴凝碧池維賦詩悼痛賊平下獄或以詩聞行在時縉位已顯請削官贖維罪肅宗

亦自憐之下遷太子中允終尚書右丞維工草隸善畫名盛於開元天寶間蓋天機所到學者不能及也

王

縉字夏卿少好學與兄維俱以名聞舉草澤文詞清麗科上第歷侍御史祿山亂擢太原少尹佐

李光弼以功加憲部侍郎拜黃門侍郎同中書門下平章事加東都留守拜河南副元帥太原將王無縱

張奉璋恃功以縉儒者易之不如律令縉斬以徇諸將股慄再歲還以本官復知政事

考維縉二公史籍皆云太原人其來久矣按唐刺史王顏所撰倚氏侯王卓神道碑則維縉皆卓之後也

卓由太原徙倚因家焉其宗子離居四縣曰桑泉蒲州倚氏虞鄉分為四房其所產人物分房紀之維縉

實倚氏房產也况卓子孫初籍桑泉即授牒官府自立太原鄉今牒文猶勒之石則當時卓之子孫自以

太原為重可知故後來由四縣王氏出任者必曰太原人而後世因認為太原郡人則誤矣

金

薛繼先

字曼卿宋南渡後入洛西山隱居教授不接權要事母孝與人交謙遜和雅所居化之子純孝

字方叔有父風詩名於時有詐為曼卿書就方叔取物者曼卿年已老狀貌如少者客不知其為曼卿而以為方叔也而與之書曼卿如所取付之監察御史

曼卿曰君未之思耳凡今時政未必皆善御史一有所劾將謂自我發之同惡相庇他日并隣里必有受

禍者其畏慎皆此類壬辰之亂病歿宜陽父子俱祀鄉賢祠

陳揮司其先自洛而徙家貧嗜學擢賢良方正官滋州

林即卒於官孫克基天德三年進士第一累官少中

大夫國子監丞克基子仲謙幼穎悟授書即能通大

義舉賢良方正任耀州三白渠規措使封穎川郡伯仲謙三子俱擢明經廣拜河東山西中書省議廉官

東平路勸農使追封穎川侯謚莊敬庾除提舉平陽  
學校膺子元凱元至元開明經官河東山西肅政廉  
訪使追封穎川郡侯謚宣靖元凱子敬立由明經累  
官開城路總管府治中陳氏七世舉明經者四人擢  
賢良方正者三人舉進士者一人科第蟬聯  
可謂盛矣惜其行事不少槩見無從追紀耳

元

趙

翔天初任西臺御史遷內臺御  
史祀鄉賢見舊志行實無考

明

孫

達字號不傳洪武十七年復行科舉達首與選聯  
進士志尚卓然不樂仕進每感時事寄情詩文

以自娛高風逸氣迥出塵表聞有道義相合者雖遠  
必赴否則接里閭不通往來也同年黃太常子澄練  
掌院子寧嘗禮延之相與吟咏見志靖難兵起黃練  
二公族誅達入山益深子孫莫知其處邑人王瑛為  
之痛  
卒



王

璵 鄉貢倫子也字玉潤聘類絕人七歲能文十九

之痛孫達遜世匿名憂患成疾卒年二十有四子範

舉孫達王璵王

璵志璵父曰倫任儀直丞子曰範鄉貢甘隱不仕考

藝文志林誌贈璵序有曰嚴君以翰治清節贊政百

釋褐時其父已筮仕矣而選舉志載倫貢於成化甲

午後於璵末樂甲午且六十年官地亦異豈末樂之

初更有一王倫者而志遺之耶不然何父子遲速壽

天之不倫也抑範貢於宏治戊午距璵之卒年已八

十餘矣而猶曰甘隱不仕何也又舊志謂璵不負友

考末樂甲午前距孫達洪武乙丑蓋三十年達之年

雖不可知而璵始弱冠則達不啻長三十歲矣即日

忘年不應懸絕乃爾且達入山必在靖難之時至璵

釋褐時已十三年至璵歿時幾二十年則志所謂憂

友亡者亦不相及也摠之事迹代更傳聞

異詞必有訛誤姑仍其舊疑以傳疑可也